



**ЎЗБЕКИСТОН РЕСПУБЛИКАСИ  
ТРАНСПОРТ ВАЗИРЛИГИ ҲУЗУРИДАГИ  
ФУҚАРО АВИАЦИЯСИ АГЕНТЛИГИ**

**ЎЗБЕКИСТОН РЕСПУБЛИКАСИ АВИАЦИЯ ҚОИДАЛАРИ  
(45-қисм)**

**Фуқаро ҳаво кемасини рўйхатдан ўтказилганлиги тўғрисида  
гувоҳномани бериш тартиби тўғрисида  
НИЗОМ**

**(ЎзР АҚ-45)**

## НОРАСМИЙ ТАРЖИМА

Вазирлар Маҳкамасининг  
2016 йил 1 март 58-сон Қарорига  
1-илова

### Фуқаро ҳаво кемасини рўйхатдан ўтказилганлиги тўғрисида гувоҳномани бериш тартиби тўғрисида НИЗОМ

1. Ушбу Низом Ўзбекистон Республикасининг Ҳаво Кодекси ва “Тадбиркорлик фаолияти соҳасидаги рухсат бериш тартиб-таомиллари тўғрисида”ги Қонунига мувофиқ, фуқаро ҳаво кемасини рўйхатдан ўтказилганлиги тўғрисида гувоҳномани (кейинги ўринларда гувоҳнома деб юритилади) бериш ва Ўзбекистон Республикаси фуқаро ҳаво кемаларининг давлат реестрини (кейинги ўринларда давлат реестри деб юритилади) юритиш тартибини белгилайди.

2. Ушбу Низомнинг амал қилиши давлат ва экспериментал ҳаво кемалар, дельтапланлар, парапланлар, парашютлар, бошқарилмайдиган учувчисиз аэростатлар, учувчисиз учиш қурилмалар, ҳамда метеорологик мақсадларда ишлатиладиган учувчи шарларига татбиқ этилмайди.

3. Ушбу Низомда қуйидаги асосий тушунчалардан фойдаланилади:

**Фуқаро ҳаво кемаси** – фуқаро авиациясида ишлатиладиган ҳаво кемаси;

**Фуқаро ҳаво кемасининг мулкдори** – ўзининг манфаатлари ва ихтиёрига кўра, ўзига қарашли фуқаро ҳаво кемасига эгалик қилиш, ундан фойдаланиш ва уни тасарруф қилиш ҳуқуқига эга бўлган, жисмоний ёки юридик шахс;

**Фуқаро ҳаво кемасининг эгаси** – қонун ҳужжатларида белгиланган тартибда фуқаро ҳаво кемасига эгалик қилиш, ундан фойдаланиш ва уни тасарруф қилиш ҳуқуқи берилган, жисмоний ёки юридик шахс;

**Давлат реестри** – фуқаро ҳаво кемаси, шунингдек, фуқаро ҳаво кемасининг эксплуатанти (мулкдор, эгаси) тўғрисидаги маълумотларни, берилган гувоҳномалар, ҳамда фуқаро ҳаво кемасини давлат реестрига рўйхатга олиш ва реестрдан чиқариш саналари тўғрисидаги маълумотларни ва бошқа маълумотларни ўз ичига олган реестр;

**Аризачи** – гувоҳномани бериш (қайта расмийлаштириш, унинг дубликатини бериш, амал қилишини тугатиш, бекор қилиш), ҳамда фуқаро ҳаво кемасини давлат реестридан чиқариш учун, Ўзбекистон Республикаси Транспорт вазирлиги ҳузуридаги Фуқаро авиацияси агентлигига (кейинги ўринларда «Ўзавиация» агентлиги деб юритилади) ариза билан мурожаат қилган, Ўзбекистон Республикасининг резиденти бўлган, фуқаро ҳаво кемасининг мулкдори (эгаси).

4. Ушбу Низомга 1 ва 2-иловаларга мувофиқ шакл ва схемаси бўйича аризачига гувоҳнома берилади.

5. Ҳаво кемасининг эксплуатацияси билан боғлиқ фуқаро авиациясида фаолиятини амалга ошириш учун, ушбу Низомда белгиланган тартибда «Ўзавиация» агентлиги томонидан гувоҳнома берилади.

6. «Ўзавиация» агентлиги директори ёки «Ўзавиация» агентлиги директорининг буйруғи билан ваколат берилган мансабдор шахс томонидан гувоҳнома имзоланади ва «Ўзавиация» агентлигининг муҳр билан тасдиқланади.

Халқаро парвозларни амалга оширувчи фуқаро ҳаво кемаси учун гувоҳномаси инглиз тилидаги таржимасига эга бўлиши лозим.

7. Ушбу гувоҳнома фуқаро ҳаво кемаси давлат реестрига киритилганлигини ва Ўзбекистон Республикасининг миллий мансублигини тасдиқловчи ҳужжат ҳисобланади.

8. Гувоҳнома муддатсиз берилади.

## **II. Рухсат беришга доир талаблар ва шартлар**

9. Фуқаро ҳаво кемасини эксплуатация қилишда рухсат беришга доир талаблар ва шартларга қуйидагилар киради:

а) қонун ҳужжатларига мажбурий риоя қилиш;

б) эгаси (мулкдори) — юридик шахс қайта ташкил этилган, унинг номи ёки жойлашган жойи (почта манзили) ўзгарган ҳолларда; эгаси (мулкдори) - жисмоний шахснинг фамилияси, исми, отасининг исми ёки фаолият кўрсатиш жойи ўзгарган тақдирда қайта расмийлаштиришдан ўтгандан сўнг етти иш куни давомида «Ўзавиация» агентлигини хабардор қилиш;

в) серияли ишлаб чиқариладиган ҳаво кемалар учун – фуқаро ҳаво кемаси ҳаво кемасининг тури сертификатига ёки ягона намунали ҳаво кемалар учун - Ҳаво кемаси эксплуатацияга яроқлилиги ҳақида аттестатига эга бўлиш;

г) фуқаро ҳаво кемасининг турига тегишли бўлган учишга яроқлилиги нормаларига фуқаро ҳаво кемасини мувофиқлигини таъминлаш.

## **III. Гувоҳномани олиш учун зарур бўлган ҳужжатлар**

10. Гувоҳномани олиш учун аризачи «Ўзавиация» агентлигига қуйидаги ҳужжатларни тақдим этади:

а) ушбу Низомга 3-иловага мувофиқ шакл бўйича аризани;

б) жисмоний ёки юридик шахснинг фуқаро ҳаво кемасига бўлган мулк ҳуқуқни ёки бошқа ашёвий ҳуқуқни тасдиқловчи ҳужжатлар нусхаларини;

в) зарурат бўлганда, қуйидаги ҳужжатлар нусхаларини:

ҳаво кемаси хориж давлати ҳаво кемаларининг реестридан чиқарилганлиги тўғрисида ҳужжат;

ҳаво кемаси давлат ёки экспериментал авиациядан фуқаро авиацияга ўтказилганлиги тўғрисида ҳужжат;

рўйхатдан ўтмаган ҳаво кемаси хориж давлатдан Ўзбекистон Республикасига келганда, учишга яроқлилиги ҳақида экспорт сертификат.

11. «Ўзавиация» агентлиги белгиланган тартибда мустақил равишда гувоҳномани бериш учун зарур бўлган, Ўзбекистон Республикасининг бошқа давлат органларида мавжуд бўлган ҳужжатлар ва маълумотларни ахборот ҳамкорлиги орқали, шу жумладан электрон ҳужжат шаклида олади.

Аризачидан ушбу Низомнинг 10-бандида назарда тутилмаган ҳужжатларни тақдим этишни талаб қилишга йўл қўйилмайди.

12. Гувоҳномани олиш учун зарур бўлган ҳужжатлар аризачи томонидан бевосита, почта алоқа воситалари орқали ёки электрон шаклда улар олинганлиги ҳақида хабардор қилинган ҳолда «Ўзавиация» агентлигига тақдим этилади. Электрон шаклда тақдим этилган ҳужжатлар, аризачининг электрон рақамли имзоси билан тасдиқланади.

13. Ҳужжатлар рўйхат бўйича қабул қилинади, ушбу рўйхатда ҳужжатларнинг номи, уларнинг рақами, имзони қуйиш санаси ва варақлар сони қўрсатилади. Ҳужжатлар рўйхати икки нусхада тузилади, унинг битта нусхаси ҳужжатлар қабул қилиб олинган сана тўғрисида белги қўйилган ҳолда аризачига тақдим этилади (юборилади).

14. Ушбу Низомга мувофиқ «Ўзавиация» агентлигига тақдим этиладиган ҳужжатлар, фуқаро ҳаво кемасини эксплуатация қилиш муддат давомида сақланиши лозим.

#### **IV. Аризани кўриб чиқиш ва гувоҳномани бериш ёки уни беришни рад этиш тўғрисидаги қарорни қабул қилиш**

15. Гувоҳномани бериш тўғрисидаги аризани «Ўзавиация» агентлиги томонидан кўриб чиқилганлиги учун йиғим ундирилмайди.

16. Ушбу Низомнинг 18-бандида назарда тутилган ҳоллардан ташқари, 10-бандида кўрсатилган ҳужжатларни «Ўзавиация» агентлиги қабул қилинган санадан бошлаб ўн иш кунидан ошмаган муддатда аризани кўриб чиқади, гувоҳномани беради ёки беришни рад этади.

17. Гувоҳномасини бериш ёки гувоҳномасини беришни рад этиш тўғрисидаги қарорни қабул қилиш учун, «Ўзавиация» агентлигининг ваколатли шахс фуқаро ҳаво кемасида текширувини ўтказиб, ушбу Низомга 4-иловага мувофиқ шакл бўйича фуқаро ҳаво кемасини техник ҳолатини текшириш далолатномани расмийлаштиради.

18. Аризачининг ёзма мурожаатига кўра, ҳаво кемани ишлаб чиқарувчи заводидан, авиатаъмирлаш заводидан, фуқаро ҳаво кемасини сотувчидан қабул қилинганда хорижий давлатлар ҳудудида фуқаро ҳаво кемасини техник ҳолатини текширишга йўл қўйилади. Бу ҳолда «Ўзавиация» агентлиги ушбу Низомнинг 10-бандида назарда тутилган ҳужжатлар қабул қилинган санадан бошлаб ўттиз иш кунидан ошмаган муддатда аризани кўриб чиқади, гувоҳномани беради ёки беришни рад этади.

Хорижий давлатлар ҳудудида фуқаро ҳаво кемасини техник ҳолатини текшируви билан боғлиқ барча харажатларни, аризачи тўлайди.

19. «Ўзавиация» агентлигининг ваколатли шахс ҳужжатларни кўриб чиқиши ва фуқаро ҳаво кемасини техник ҳолатини текшируви натижалари бўйича фуқаро ҳаво кемаси тўғрисидаги маълумотларини давлат реестрига киритади, аризачига гувоҳномани беради (юборади) ёки гувоҳномани беришни рад этиш тўғрисидаги қарорни қабул қилинган кундан бошлаб бир иш кунидан кечиктирмай ёзма равишда хабардор қилади.

20. Қуйидаги ҳолларда гувоҳномани бериш аризачига рад этилиши мумкин:

гувоҳномани бериш учун зарур бўлган ҳужжатларни аризачи томонидан тўлиқ ҳажмда тақдим этилмаган бўлса;

аризачи рухсат этувчи талаблар ва шартларга мувофиқ бўлмаса;  
аризачи томонидан тақдим этилган ҳужжатларда нотўғри ёки ишончсиз маълумотлар мавжуд бўлса;

фуқаро ҳаво кемасини техник ҳолатини текшириш далолатномада асосланган салбий хулоса мавжудлиги.

Гувоҳномани беришни бошқа асосларга кўра, шу жумладан мақсадга мувофиқ эмас деган вазият билан рад этишга йўл қўйилмайди.

21. Гувоҳномани беришни рад этиш тўғрисида қарор қабул қилинган ҳолларда, ёзма равишда рад этиш сабаблари, қонун ҳужжатларининг аниқ нормалари ва аризачи кўрсатилган камчиликларни бартараф этиб, такроран мурожаат қилиши мумкин бўлган муддати кўрсатилиб, аризачи хабардор қилинади. Аризачи рад этиш сабабларини бартараф этиб, ҳужжатларни қайта кўриб чиқиш учун тақдим этиш ҳуқуқига эга бўладиган муддат, гувоҳномани бериш рад этилгани ҳақида ёзма хабарни олинган санадан бошлаб ўн иш кунидан кам бўлмаслиги керак.

22. Гувоҳномани беришни рад этиш учун асос бўлган сабаблар аризачи томонидан белгиланган муддатда бартараф этилганда, «Ўзавиация» агентлиги рад этиш сабаблари бартараф этилгани ҳақидаги ариза ва улар бартараф этилганини тасдиқловчи тегишли ҳужжатларни олинган санадан бошлаб, ўн иш кунидан ошмайдиган муддатда ҳужжатларни қайта кўриб чиқади, гувоҳномани беради ёки уни беришни рад этади.

Аризани қайта кўриб чиқиш учун йиғим ундирилмайди.

23. Аризани қайта кўриб чиқишда «Ўзавиация» агентлиги томонидан рад этиш тўғрисидаги ёзма хабарида аввал қайд этилмаган сабабларни келтиришга йўл қўйилмайди, аввал кўрсатилган сабаблар бартараф этилганини тасдиқловчи ҳужжатлар билан боғлиқ рад этиш сабаблари бундан мустасно.

24. Гувоҳномани беришни рад этиш ҳақидаги ёзма хабарида кўрсатилган муддат тугагандан сўнг тақдим этилган ариза қайта тақдим этилган деб ҳисобланади ва «Ўзавиация» агентлиги ушбу аризани умумий асосларда кўриб чиқади.

25. Аризачи гувоҳнома бериш рад этилганлиги, шунингдек, ваколатли орган мансабдор шахсининг ҳаракати (ҳаракатсизлиги) юзасидан белгиланган тартибда шикоят қилиш ҳуқуқига эга.

## **V. Гувоҳномани қайта расмийлаштириш ва дубликатини бериш**

26. Гувоҳномани қайта расмийлаштириш ва дубликатини бериш Ўзбекистон Республикасининг “Тадбиркорлик фаолияти соҳасидаги рухсат бериш тартиб-таомиллари тўғрисида”ги Қонуннинг 21 ва 24 моддаларида назарда тутилган ҳолларда ва тартибда амалга оширилади.

27. Гувоҳномани қайта расмийлаштириш ёки дубликатини беришда «Ўзавиация» агентлиги тегишли ўзгартиришларни давлат реестрига киритади.

28. Гувоҳномани қайта расмийлаштириш ва дубликатини бериш учун йиғим ундирилмайди.

## **VI. Гувоҳноманинг амал қилишини тугатиш ва бекор қилиш**

29. Гувоҳноманинг амал қилишини тугатиш ва бекор қилиш Ўзбекистон Республикасининг “Тадбиркорлик фаолияти соҳасидаги рухсат бериш тартиб-таомиллари тўғрисида”ги Қонуннинг 23 ва 25 моддаларида назарда тутилган ҳолларда ва тартибда амалга оширилади.

30. Гувоҳноманинг амал қилишини тугатиш учун асос бўлиб ҳисобланадиган бир марта кўпол равишта бузишларига қуйидагилар киради:

белгиланган ресурслар ва хизмат муддатдан ташқари фуқаро ҳаво кемасини эксплуатация қилиш;

фуқаро ҳаво кемасини эксплуатация қилиш, таъминлаш, ташкил этиш ва авиация ҳалокатига олиб келган парвозларни амалга ошириш қоидаларини бузиш;

ўрнатилган тартибларини бузганлиги билан парвозлар хавфсизлигига таҳдид солиши мумкин бўлган, фуқаро ҳаво кемасини конструкциясига ўзгартиришлар киритиш.

## **VII. Давлат реестрини юритиш ва ундан маълумотларни тақдим этиш тартиби**

31. Давлат реестрини «Ўзавиация» агентлиги юритади.

32. Илгари хориж давлат реестрига киритилган фуқаро ҳаво кемаси, фақатгина тегишли хориж давлат реестридан чиқарилганлигини тасдиқловчи ҳужжат мавжуд бўлган тақдирда давлат реестрига киритилади.

33. Давлат реестри ушбу Низомга 5-иловага мувофиқ шакл бўйича юритилади. Давлат реестри қоғоз ва электрон шаклда юритилади. Қоғоз шаклдаги ёзувлар билан электрон шаклдаги ёзувлар ўртасида номувофиқлик мавжуд бўлган тақдирда, қоғоз шаклдаги ёзувлар устуворликка эгадир.

34. Давлат реестрига дастлабки (рўйхатга олиш) ёзувдан сўнг, ҳар бир фуқаро ҳаво кемалар бўйича барча кейинги ёзувлар гувоҳномани бериш билан боғлиқ бўлган «Ўзавиация» агентликнинг тартиблари бажарилганига кўра кетма-кет киритилади

35. Давлат реестрда мавжуд бўлган маълумотлар «Ўзавиация» агентликнинг расмий веб-сайтида жойлаштирилади ва танишиб чиқиш учун очиқ бўлади.

36. Фуқаро ҳаво кемаси тўғрисидаги маълумотларни давлат реестрига киритилганда, фуқаро ҳаво кемасига ушбу кемага қайд этиладиган давлат ва рўйхат таниш белгилари тайинланади. Давлат таниш белгиси лотин алифбосининг “UK” иккита ҳарфидан, рўйхат таниш белгиси 3-5 араб рақамларидан ташкил топади.

Фуқаро ҳаво кемасига тайинланган давлат ва рўйхат таниш белгилари унинг эгаси ва/ёки модификациясидаги ўзгаришлардан қатъи назар, уни эксплуатация қилишнинг бутун муддати давомида сақланиб қолади.

37. Давлат реестрига киритилган фуқаро ҳаво кемаси аризачининг мурожаати асосида қуйидаги ҳолларда давлат реестридан чиқарилади:

- а) фуқаро ҳаво кемаси чегириб ташланса;
- б) фуқаро ҳаво кемаси эксплуатациядан чиқарилса;

в) ҳаво кемаси белгиланган тартибда хориж давлатига, хорижий давлатнинг юридик ёки жисмоний шахсига сотилса ёки топширилса;

г) фуқаро ҳаво кемаси давлат ёки экспериментал авиацияга ўтказилса;

д) фуқаро ҳаво кемасини рўйхатдан ўтказилганлиги тўғрисида гувоҳноманинг амал қилиши тугатилган ва бекор қилинган бўлса.

38. Фуқаро ҳаво кемасини давлат реестридан чиқариш учун, аризачи «Ўзавиация» агентлигига қуйидаги ҳужжатларни тақдим этади:

а) ушбу Низомга 3-иловага мувофиқ шакл бўйича аризани;

б) фуқаро ҳаво кемасини рўйхатдан ўтказилганлиги тўғрисида гувоҳномани;

в) мавжуд бўлса:

учишга яроқлилиқ сертификатни (асл нусхаси);

шовқинлар бўйича сертификатни (асл нусхаси);

радиожихозлар сертификатни (асл нусхаси);

фуқаро ҳаво кемасининг 24-битли манзили (ИКАО идентификация коди) фуқаро ҳаво кемасининг радиожихозлар тизимидан чиқарилганлигини тасдиқловчи ҳужжат;

ARINC компаниясида SELCAL тизими рўйхатдан чиқарилганлигини тасдиқловчи ҳужжат (агар ушбу тизим ҳаво кемасида мавжуд бўлса);

КОСПАС-САРСАТ тизимининг авария радиомаякларини рўйхатдан чиқарилганлигини тасдиқловчи ҳужжат.

39. Тақдим етилган ҳужжатлар асосида, «Ўзавиация» агентлиги фуқаро ҳаво кемасини давлат реестридан чиқаради ва аризачига давлат рўйхатдан чиқариш тўғрисида гувоҳномани беради. Фуқаро ҳаво кемасини давлат реестрдан чиқарилиши, фуқаро ҳаво кемасини рўйхатдан ўтказилганлиги тўғрисида гувоҳноманинг амал қилишини тугатилишига олиб келади.

40. Давлат рўйхатдан чиқариш тўғрисида гувоҳнома ушбу Низомга 6-иловага мувофиқ шакл бўйича расмийлаштирилади.

41. Аризачи давлат рўйхатдан чиқариш тўғрисида гувоҳномани олганидан кейин, фуқаро ҳаво кемасига қайд этилган давлат ва рўйхат таниш белгиларини ўчириб ташлайди (йўқ қилади).

42. Мулкдорнинг ёзма мурожаатига кўра, Ҳаракатланувчи ускуналарга нисбатан халқаро кафолатлар тўғрисидаги Конвенция (Кейптаун, 2001 йил 16 ноябрь) асосида фуқаро ҳаво кемасини давлат реестрдан чиқариш тартиб-таомиллар амалга оширилиши мумкин.

43. Фуқаро ҳаво кемасини давлат реестрдан чиқариш ва давлат рўйхатдан чиқариш тўғрисида гувоҳномани бериш тартиб-таомиллар, ушбу Низомнинг 10-бандида назарда тутилган ҳужжатлар қабул қилинган санадан бошлаб беш иш кунидан ошмаган муддатда амалга оширилади.

44. Фуқаро ҳаво кемасини бошқа давлат реестрига киритилиши, агар у ушбу Низомга мувофиқ Ўзбекистон Республикаси фуқаро ҳаво кемаларининг давлат реестридан чиқарилмаган бўлса ҳақиқий деб тан олинмайди.

45. Давлат реестридан олинган фуқаро ҳаво кемаси тўғрисидаги маълумотлар бепул тақдим этилади.

46. Давлат реестридан маълумотлар бевосита ёки почта алоқа воситалари орқали ариза (расмий суров) келган кундан бошлаб бир иш кунидан кечиктирмай мулкдорга (давлат органига) тақдим этилади (юборилади).

### **VIII. Яқунловчи қоида**

47. Ушбу Низом талаблари бузилишида айбдор бўлган шахслар конунчиликка мувофиқ жавоб берадилар.



Фуқаро ҳаво кемасини рўйхатдан  
ўтказилганлиги тўғрисида гувоҳномани бериш  
тартиби тўғрисида низомга  
1-илова

**Фуқаро ҳаво кемасини рўйхатдан ўтказилганлиги тўғрисида гувоҳномани бериш  
СХЕМАСИ**

Босқичлар	Субъектлар	Тадбирлар	Бажариш муддатлари
1-босқич	Аризачи	<p>Гувоҳномани олиш учун, ушбу Низомда назарда тутилган талабларига мувофиқ ҳужжатларни тайёрлайди.</p> <p>«Ўзавиация» агентлигига ҳужжатларни бевосита, почта алоқаси воситалари орқали ёки электрон шаклда, улар олинганлиги ҳақида хабардор қилинган ҳолда тақдим этади.</p>	Аризачининг ихтиёрига кўра
2-босқич	«Ўзавиация» агентлиги	<p>Гувоҳномани олиш учун тақдим этилган ҳужжатларни рўйхат бўйича (икки нусхада) қабул қилади, унинг битта нусхаси ҳужжатлар қабул қилиб олинган сана тўғрисида белги қўйилган ҳолда аризачига тақдим этади (юборади).</p>	Ҳужжатларни қабул қилинган кунидан бошлаб
3-босқич	«Ўзавиация» агентлиги	<p>1. Фуқаро ҳаво кемасини техник ҳолатини текшириш билан бирга, гувоҳномани бериш учун тақдим этилган аризани ва ҳужжатларни кўриб чиқади.</p> <p>2. Аризачига радиожиҳозлар сертификатини беришни рад этиш тўғрисида, рад этиш учун асос бўлган сабабларини кўрсатган ҳолда ёзма равишда хабардор қилади.</p> <p>«Ўзавиация» агентлигининг ваколатли шахс ҳужжатларни кўриб чиқиши ва фуқаро ҳаво кемасини техник ҳолатини текшируви натижалари бўйича фуқаро ҳаво кемаси тўғрисидаги маълумотларини давлат реестрига киритади, аризачига гувоҳномани беради (юборади) ёки гувоҳномани беришини рад этиш тўғрисида хабардор қилади.</p>	<p>1. Аризани қабул қилинган кунидан бошлаб 10 иш куни ичида (агар хорижий давлатлар ҳудудида фуқаро ҳаво кемасини техник ҳолатини текшируви бажарилса аризани қабул қилинган кунидан бошлаб 30 иш куни ичида).</p> <p>2. Тегишли қарор қабул қилинган кунидан бошлаб 1 иш куни ичида.</p>
4-босқич	«Ўзавиация» агентлиги	<p>Аризачи гувоҳномани беришни рад этиш учун асос бўлган сабабларни белгиланган муддатда бартараф этса, гувоҳномани бериш ёки уни беришни рад этиш учун ҳужжатларни такроран кўриб чиқади.</p>	<p>Рад этиш учун асосларни бартараф қилганлиги тўғрисида Аризани ва тасдиқловчи ҳужжатларни қабул қилинган кунидан бошлаб 10 иш куни ичида.</p>

Фуқаро ҳаво кemasини рўйхатдан  
ўтказилганлиги тўғрисида гувоҳномани бериш  
тартиби тўғрисида низомга  
2-илова

O'ZBEKISTON RESPUBLIKASI  
TRANSPORT VAZIRLIGI HUZURIDAGI  
FUQARO AVIATSIYASI AGENTLIGI



CIVIL AVIATION AGENCY  
UNDER THE MINISTRY OF TRANSPORT  
OF THE REPUBLIC OF UZBEKISTAN

“O‘ZAVIATSIYA” AGENTLIGI

CAA OF UZBEKISTAN

73B NUKUS STREET, 100015 TASHKENT, REPUBLIC OF UZBEKISTAN,  
TEL.: + (998-78)-1200063, FAX.: +(998-71)-2541482, e-mail: [technique@uzcaa.uz](mailto:technique@uzcaa.uz)

FUQARO HAVO KEMASINI RO'YXATDAN O'TKAZILGANLIGI TO'G'RISIDA GUVOHNOMA

CERTIFICATE OF REGISTRATION OF THE CIVIL AIRCRAFT

СВИДЕТЕЛЬСТВО О РЕГИСТРАЦИИ ГРАЖДАНСКОГО ВОЗДУШНОГО СУДНА

№ XXX

<b>1. Davlat va ro'yxatga olish belgilari</b>  <i>Nationality and registration marks</i> Государственный и регистрационный опознавательные знаки	<b>2. Fuqaro havo kemasini ishlab chiqaruvchi va u tomonidan berilgan belgi</b>  <i>Manufacturer and Manufacturer's Designation of Aircraft</i> Изготовитель и обозначение гражданского воздушного судна изготовителем	<b>3. Fuqaro havo kemasining zavodda berilgan raqami</b>  <i>Aircraft manufacturer number</i> Заводской номер гражданского воздушного судна
<b>4. Fuqaro havo kemasining mulkdori:</b> <i>Name of owner:</i> Собственник гражданского воздушного судна:		
<b>5. Fuqaro havo kemasi mulkdorining manzili:</b> <i>Address of owner:</i> Адрес собственника гражданского воздушного судна:		
<b>6. Ushbu bilan tasdiqlanadiki, yuqorida ko'rsatilgan fuqaro havo kemasi 1944 yil 7 dekabrda fuqaro aviatsiyasi halqaro tashkiloti Konvensiyasi va fuqaro havo kemasini davlat ro'yxatidan o'tkazilganligi to'g'risidagi guvohnomani berish tartibi to'g'risidagi Nizomga muvofiq o'rnatilgan tartibda O'zbekiston Respublikasi fuqaro havo kemalari Davlat reestriga kiritilgan.</b> <b>Izoh: Fuqaro havo kemasini ro'yxatdan o'tkazish to'g'sidagi ushbu guvohnoma faqat ro'yxatdan o'tkazish maqsadlariga mo'ljallangan va fuqaro havo kemasini ro'yxatdan o'tkazgan shaxsning mulkiy huquqlarini tasdiqlovchi hujjat bo'lib hisoblanmaydi.</b> <i>It is hereby certified that the above described civil aircraft has been duly entered on the State Register of the Republic of Uzbekistan in accordance with the Convention on International Civil Aviation dated 7 December 1944 and with the Regulation on the procedure for issuing the certificate of registration on the civil aircraft.</i> Note. This Certificate of registration of civil aircraft is issued for registration purpose only and is not to certify the property rights of person on whose name the aircraft has been registered. Настоящим удостоверяется, что вышеуказанное гражданское воздушное судно в установленном порядке внесено в Государственный реестр гражданских воздушных судов Республики Узбекистан в соответствии с Конвенцией о международной гражданской авиации, принятой 7 декабря 1944 года, и Положением о порядке выдачи свидетельства о регистрации гражданского воздушного судна. Примечание. Настоящее свидетельство о регистрации гражданского воздушного судна предназначено только для целей регистрации и не является документом, удостоверяющим имущественные права лица, на чье имя зарегистрировано гражданское воздушное судно.		
<b>Berilgan sanasi</b> <i>Date of issue</i> Дата выдачи	<b>O'zbekiston Respublikasi transport Vazirligi huzuridagi fuqaro aviatsiyasi Agentligi direktori</b> <i>Director of Civil Aviation Agency</i> <i>under the Ministry transport of the Republic of Uzbekistan</i> Директор Агентства гражданской авиации при министерстве транспорта Республики Узбекистан	

Фуқаро ҳаво кемасини рўйхатдан  
ўтказилганлиги тўғрисида гувоҳномани бериш  
тартиби тўғрисида низомга  
3-илова

Ўзбекистон Республикаси  
Транспорт вазирлиги ҳузуридаги  
Фуқаро авиация агентлиги  
Директорига

**АРИЗА**

\_\_\_\_\_ дан  
(юридик шахснинг тўлиқ номи ёки жисмоний шахснинг фамилияси, исми, шарифи)

Ўзбекистон Республикаси фуқаро авиацияси давлат реестрига фуқаро ҳаво кемасини рўйхатдан ўтказилганлиги тўғрисида гувоҳномани беришингизни

Ўзбекистон Республикаси фуқаро авиацияси давлат реестрида фуқаро ҳаво кемасини рўйхатдан ўтказилганлиги тўғрисидаги гувоҳномани янгилашингизни

Фуқаро ҳаво кемасини рўйхатдан ўтказилганлиги тўғрисидаги гувоҳноманинг дубликатни беришингизни

Ўзбекистон Республикаси фуқаро авиацияси давлат реестридан фуқаро ҳаво кемаси тўғрисидаги маълумотни чиқариб ташлашингизни ва фуқаро ҳаво кемасини рўйхатдан ўтказилганлиги тўғрисидаги гувоҳномани бекор қилишингизни

сўрайман.

I. Фуқаро ҳаво кемаси тўғрисида маълумотлар:

1. Фуқаро ҳаво кемасининг номи (тури) \_\_\_\_\_
2. Ҳаво кемасининг серияли ( заводда берилган) рақами \_\_\_\_\_
3. Ишлаб чиқарилган санаси \_\_\_\_\_
4. Ишлаб чиқарувчининг номи \_\_\_\_\_
5. Максимал учиб чиқиш вазни \_\_\_\_\_
6. Ўрнатилган двигателларнинг тури ва сони \_\_\_\_\_
7. База манзилнинг адреси \_\_\_\_\_
8. Фуқаро ҳаво кемаси сотилмоқда (топширилмоқда) \_\_\_\_\_  
(янги эгаси /мулкдор номи)
9. Янги рўйхатга олувчи Давлат \_\_\_\_\_

**Изоҳ:** Агар фуқаро ҳаво кемаси хориж давлатига, хорижий давлатнинг юридик ёки жисмоний шахсига сотилиши (топширилиши) сабабли Давлат реестридан чиқарилса, аризанинг 8 ва 9-бандлари тўлдирилади.

**“Юқоридаги ҳаво кемаси тўғрисидаги маълумотлар тўғри эканлигини тасдиқлайман”**

\_\_\_\_\_ (имзо)

\_\_\_\_\_ (фамилияси, исми, шарифи)

\_\_\_\_\_ (лавозими)

**II. Аризачи тўғрисида маълумот:**

*юридик шахслар учун:*

1. Тўлиқ номи ташкилотнинг ташкилий-ҳуқуқий шаклини кўрсатиб: \_\_\_\_\_

2. Жойлашган жойи (почта индекси) \_\_\_\_\_

3. Телефон рақами/ факс рақами \_\_\_\_\_

*Жисмоний шахслар учун:*

1. Фамилияси, исми, шарифи \_\_\_\_\_

2. Фуқаронинг шахсини тасдиқловчи ҳужжат тўғрисида маълумот \_\_\_\_\_

3. Турар жойи, адреси \_\_\_\_\_

4. Телефон рақами/ факс рақами \_\_\_\_\_

5. СТИР \_\_\_\_\_

Иловалар: \_\_\_\_\_

*(ҳужжатларнинг номи, уларнинг рақамлари, имзоланган санаси, варақлар сони, тақдимот шакли)*

Аризачи \_\_\_\_\_

*(имзоси, фамилияси, исми,  
шарифи)*

«    »

*(сана)*

*(ой)*

20 \_\_\_\_\_ й.

Фуқаро ҳаво кемасини рўйхатдан  
ўтказилганлиги тўғрисида гувоҳномани бериш  
тартиби тўғрисида низомга  
4-илова

**Фуқаро ҳаво кемасини техник ҳолатини текшириш  
ДАЛОЛАТНОМА**

\_\_\_\_\_ ( «Ўзавиация» агентлигининг ваколатли шахсининг лавозими, фамилияси, исми, шарифи )

« \_\_\_\_\_ » \_\_\_\_\_ 20 й. фуқаро ҳаво кемасида текшируви ўтказилди  
( сана ) ( ой )

\_\_\_\_\_ ҳаво кемасининг номи ( тури )

\_\_\_\_\_ серияли ( заводда берилган ) рақами

\_\_\_\_\_ ( мулкдорнинг номи )

\_\_\_\_\_ ( эксплуатантнинг номи )

**I. Фуқаро ҳаво кемаси тўғрисидаги маълумотлар:**

ҳаво кемасининг тури сертификати ( аттестати ) \_\_\_\_\_

\_\_\_\_\_ ( рақами )

\_\_\_\_\_ ( берилган санаси )

тури сертификатини ( аттестатини ) берган орган \_\_\_\_\_

ишлаб чиқарувчи \_\_\_\_\_

ишлаб чиқарилган санаси \_\_\_\_\_

белгиланган ресурслар \_\_\_\_\_

белгиланган хизмат муддати \_\_\_\_\_

\_\_\_\_\_ FH  
( соат )

\_\_\_\_\_ FC  
( цикли )

ҳаво кемасининг иш вақти эксплуатациядан бошлаб

**II Двигателлар тўғрисидаги маълумотлар:**

двигателлар тури \_\_\_\_\_

сони \_\_\_\_\_

ишлаб чиқарувчи \_\_\_\_\_

Фуқаро ҳаво кемасини Ўзбекистон Республикаси фуқаро ҳаво кемаларининг давлат реестрига рўйхатга олиш ( олмаслик ) тўғрисида “Ўзавиация” агентлиги мутахассисининг ҳулосаси

« \_\_\_\_\_ » \_\_\_\_\_  
( сана ) ( ой )

\_\_\_\_\_ 20 \_\_\_\_\_ й.

\_\_\_\_\_ й.

\_\_\_\_\_ ( «Ўзавиация» агентлигининг ваколатли шахсининг имзоси )



Фуқаро ҳаво кемасини рўйхатдан  
ўтказилганлиги тўғрисида гувоҳномани бериш  
тартиби тўғрисида низомга  
б-илова

О‘ЗБЕКИСТОН RESPUBLIKASI  
TRANSPORT VAZIRLIGI HUZURIDAGI  
FUQARO AVIATSIYASI AGENTLIGI



CIVIL AVIATION AGENCY  
UNDER THE MINISTRY OF TRANSPORT  
OF THE REPUBLIC OF UZBEKISTAN

“O‘ZAVIATSIYA” AGENTLIGI

CAA OF UZBEKISTAN

73B NUKUS STREET, 100015 TASHKENT, REPUBLIC OF UZBEKISTAN,  
TEL.: + (998-78)-1200063, FAX.: +(998-71)-2541482, e-mail: [technique@uzcaa.uz](mailto:technique@uzcaa.uz)

**DAVLAT RO‘YXATIDAN CHIQARISH TO‘G‘RISIDA GUVOHNOMA**

*CERTIFICATE OF CANCELLATION*

СВИДЕТЕЛЬСТВО ОБ ИСКЛЮЧЕНИИ

**№ XXX**

**Mazkur guvoohnoma bilan**

*This certifies that the following civil aircraft*

Настоящим удостоверяется, что гражданское воздушное судно

**Turi / type / тип**

**(Zavodda berilgan raqami / manufacturer number / заводской номер)**

**milliy va ro‘yxatga olish belgilari / nationality and registration marks / национальный и регистрационный знаки**

**O‘zbekiston Respublikasiga tegishli fuqaro havo kemasi O‘zbekiston Respublikasi  
havo kemalarining reyestridan chiqarilganligi tasdiqlanadi**

*belonging to the Republic of Uzbekistan is cancelled from the State Register of civil  
aircraft of the Republic of Uzbekistan*

принадлежащее Республике Узбекистан из Государственного реестра гражданских  
воздушных судов Республики Узбекистан исключено

**Berilgan sanasi**

*Date of issue*

Дата выдачи

**O‘zbekiston Respublikasi  
transport Vazirligi huzuridagi  
fuqaro aviatsiyasi Agentligi direktori**

*Director of Civil Aviation Agency  
under the Ministry transport of the Republic of  
Uzbekistan*

Директор Агентства гражданской авиации  
при министерстве транспорта  
Республики Узбекистан